

P.

Ruffet an den Namen des **HERREN** in ewrem
Hertzen: Denn wer den Namen des **HERREN** an-
ruffen wird / der sol selig werden / Joel. 2. 32. Rom.
10. v. 13. Seufftjet mit vns / wenn euch gleich nicht
müglich ist zureden / wir wollen mit euch seufftzen
vnd beten / der **HERRE** mit seiner hülffe wird kom-
mende kommen / vnd nicht aussenbleiben / Habac.
2. v. 4.

Thut ihr in ewrem beruff daß ewrige / wir
wollen das vnfrige auch gerne thun / **GOTT** wird mit
seiner Allmechtigen Barmhertzigkeit erscheinen / vnd
das seine auch darbey thun. Mit solchen vnd derglei-
chen Worten kan vnd sol eine oder die andere anwe-
sende *Matron*, der Krancken zusprechen. Es kan auch
nicht schaden / wenn eine oder die andere ein Christ-
liches Betbuch oder Spruchbüchlein zur hand nim-
met / vberlaut etwas lieset oder betet / vnd die an-
dern zur andacht erwecket vnd auffmuntert.

Da aber Rachel die Seele auß-
gieng / daß sie sterben muste.

Q.

Allhier siehet vnd höret man die grosse gefahr /
darinnen beydes Mutter vnd Kind zu solcher zeit ste-
hen vnd schweben / das man recht saget im gemeinen
Sprichwort: Daß damals das Leben der Mutter
vnd des Kindes an einem kleinen Härlein hangen /
vnd giebet die erfahrung / daß zum offtern eines /

bisweilen